

Skattavakt PwC

Fréttabréf Skatta- og lögfræðisviðs

Skattavaktin er mánaðarlegt fréttabréf PwC ehf. þar sem sérfræðingar á Skatta- og lögfræðisviði félagsins skrifa um athyglisvert efni tengt skattarétti. Leitast er við að gera grein fyrir nýju efni, hvort sem um er að ræða dóma, lög, frumvörp, úrskurði eða stjórnvaldsákvarðanir.

Júní 2011
6. tölublað

Efnisyfirlit

Ný skýrsla Alþjóðagjaldeyrissjóðsins um endurbætur á íslenska skattkerfinu 2

Alþjóðagjaldeyrissjóðurinn gaf út í maí sl. skýrslu um einstaka þætti íslenska skattkerfisins ásamt tillögum um umbætur af ýmsu tagi, auk ábendinga um tekjuöflun ef til þyrfti að koma

Lög nr. 73/2001 um ráðstafanir í ríkisfjármálum 3

Þann 11. júní 2011 samþykkti Alþingi breytingar á tekjuskattslögum og fleiri lögum

Lög nr. 87/2011 um gistináttaskatt 3

Þann 11. júní 2011 samþykkti Alþingi lög um gistináttaskatt



Skýrsla AGS um endurbætur á íslenska skattkerfinu

Á árinu 2010 vann AGS skýrslu um endurbætur á íslenska skattkerfinu að beiðni fjármálaráðherra. Í henni var farið yfir tekjuöflunarkerfi ríkissjóðs og gerð ítarleg grein fyrir kostum og göllum þess, auk þess sem gerðar voru tillögur um breytingar.

Eftir framlagningu þeirrar skýrslu óskaði fjármálaráðherra eftir frekari vinnu frá sérfræðingum AGS á grundvelli fyrri skýrslu, jafnframt því að gerð yrði sérstök rannsókn á skattlagningu náttúruauðlinda. Sú vinna fór fram í mars og apríl 2011 og þann 16. júní sl. birti fjármálaráðuneytið á vef sínum afrakstur þeirrar vinnu, skýrslu sem ber heitið Advancing Tax Reform and the Taxation of Natural Resources.

Skýrslan inniheldur yfirlit um fjölbreyttar umfjöllun um einstaka þætti íslenska skattkerfisins ásamt tillögum um umbætur af ýmsu tagi, auk ábendinga um tekjuöflun ef til þyrfti að koma. Hér að neðan er tæpt á nokkrum atriðum sem AGS tekur fyrir í skýrslu sinni.

• Tekjuskattur lögaðila

Tap á fjármagnseignum

AGS leggur til að þegar tekjuskattur lögaðila sé ákvarðaður skuli endurskoðunarstöðlum fylgt varðandi mat á fjármagnseignum. Með því verði hægt að taka tillit til lækkunar á virði hlutabréfa.

Frádráttur vaxta

AGS leggur til að yfirtökur á íslenskum félögum, sem fjármagnaðar eru með lánum, verði takmarkaðar með því að vextir sem greiddir eru til lánardrottna sem búsettir eru á lágskattasvæðum verði ekki frádráttarbærir og með kynningu á „thin capitalization“ reglum, en það eru reglur sem takmarka rétt til að draga vaxtagjöld frá skattskyldum tekjum þegar um er að ræða lán á milli tengdra aðila.

Vaxtagreiðslur til aðila með takm. skattskyldu

AGS leggur til að 20% afdráttarskattur vegna vaxtagreiðslna til lánardrottna sem eru lögaðilar og lánardrottna með takmarkaða skattskyldu verði lækkaður í 10%

Félög þar sem eigendur eru einnig starfsmenn (Closely Held Businesses)

AGS leggur til að sömu reglur gildi um úthlutun fjármagns hjá sameignarfélögum og CHB-félögum.

AGS leggur til að hjá CHB-félögum sé tekjum skipt milli tekna og fjármagns samkvæmt nánar útlitaðri aðferðafræði AGS. Ef stjórnvöld ákveða hins vegar að breyta ekki núgildandi reglum leggur AGS til að lagt verði í umfangsmiklar rannsóknir til þess að ákvarða grundvöll launa.

• Tekjuskattur einstaklinga

AGS leggur til að persónuafsláttur hækki ekki heldur íhugi stjórnvöld að lækka persónuafslátt og lækka tekjuskatt í fyrsta skattþrepi.

AGS leggur til að skattþrepin verði tvö í stað þriggja eins og þau eru í dag. Þannig leggur AGS til að annað skattþrep (41,21%) verði felld brott og að efsta skattþrep verði 47,21%.

• Tryggingagjald

AGS leggur til að tryggingagjald verði lækkað eins mikið og hægt er að teknu tilliti til atvinnuleysis og aukningar á tryggingagjaldsstofni.

AGS leggur til stjórnvöld íhugi að setja hámark á gjaldstofn tryggingagjalds fyrir bæði launamenn og menn í sjálfstæðum atvinnurekstri.

• Virðisaukaskattur

AGS leggur til að fyrst um sinn verði einungis um tvö þrep að ræða í virðisaukaskatti, 14% og 25%. AGS leggur hins vegar til að í framtíðinni verði aðeins einn virðisaukaskattur, 20%.

Þá leggur AGS til að eingöngu sú vinna og þjónusta sem undanþegin er virðisaukaskatti samkvæmt tilskipun Evrópusambandsins verði undanþegin, en íslensku virðisaukaskattslögin eru víðtækari en tilskipunin hvað þetta varðar.

AGS leggur til að tekjulægri heimili fái þessa hækkun á nauðsynjavörum bætt með endurgreiðslu á tekjuskatti.

Hægt er að nálgast skýrslu AGS á vefsíðunni: <http://www.fjarmalaraduneyti.is/media/adarskyslur/Iceland-TA-Report.pdf>

Lög nr. 73/2011 um ráðstafanir í ríkisfjármálum

Þann 11. júní sl. samþykkti Alþingi breytingar á lögum um tekjuskatt, lögum um sérstakan skatt á fjármálafyrirtæki og fleiri lögum.

Breyting á tekjuskattslögum nr. 90/2003

Skattskyldur tekjur skv. 11. gr. tskl., þ.e. sá hluti úthlutaðs arðs sem telst vera laun, skulu skattlagðar í 2. skattþrepi (40,21%) og mynda hvorki stofn til tryggingagjalds né lífeyrisðgjalds né teljast til frádráttarbærs rekstrarkostnaðar hjá gjaldanda.

Ekki er lengur skilyrði frádráttar á móti arði samkvæmt 9. tölul. 31. gr. tskl. að móttakandi arðs eigi í lok þess árs sem arður er greiddur vegna a.m.k. 10% í þeim lögaðila sem greiðir arðinn (öðlast gildi 1. janúar 2012).

Ekki er lengur skilyrði frádráttar á móti söluhagnaði hlutabréfa samkvæmt 9. tölul. a. 31. gr. tskl. að seljandi hlutabréfanna hafi átt a.m.k. 10% hlut í viðkomandi lögaðila á söludegi (öðlast gildi 1. janúar 2012).

Skilgreint er í hvaða tilvikum maður telst hafa ráðandi stöðu þegar hann skal reikna sér endurgjald samkvæmt 58. gr. tskl., en samkvæmt skilgreiningunni telst maður hafa ráðandi stöðu ef hann einn eða ásamt maka, börnum, foreldrum, systkinum eða öðrum nákomnum ættingjum á samtals 50% hlut eða meira í lögaðila enda eigi hver um sig a.m.k. 20% hlut í þeim lögaðila. Sama gildir um hluthafa sem starfa í þágu lögaðilans en eru ekki tengdir fjölskylduböndum.

Persónuafsláttur mun taka breytingum árlega í samræmi við breytingar á vísitölu neysluverðs við upphaf og lok næstliðins tólf mánaða tímabils.

Breyting á lögum nr. 155/2010 um sérstakan skatt á fjármálafyrirtæki

Við álagningu opinberra gjalda árið 2012 skal til viðbótar við sérstakan skatt samkvæmt lögnum greiða 0.0975% af skattstofni eins og hann er ákvarðaður í lögnum. Gjaldddagi viðbótar-skattsins er 1. nóvember 2012. Skatttekjunum skal varið til fjármögnunar á sérstakri vaxtaniðurgreiðslu (ígildi vaxtabóta) vegna 2011 og 2012.

Lög nr. 87/2011 um gisti-náttaskatt

Þann 11. júní sl. samþykkti Alþingi lög um gistináttaskatt og er hann 100 kr. fyrir hverja selda gistináttaeiningu.

Með gistináttaeiningu er átt við húsnæði eða svæði sem leigt er út í þeim tilgangi að þar sé dvalið yfir nótt, svefnaðstaða sé fyrir hendi eða hægt að koma henni fyrir og leigan sé almennt til skemmri tíma en eins mánaðar, svo sem hús, íbúðir og herbergi, þ.m.t. herbergi á hótélum og gistiheimilum, sem og tjaldstæði og stæði fyrir húsbíla, tjaldvagna, fellhýsi og hjólhýsi.

Lögin öðlast gildi 1. janúar 2012 og gilda um þær gistináttaeiningar sem seldar eru frá og með þeim degi.

Skatta- og lögfræðisvið

PricewaterhouseCoopers ehf.

Við hjá Skatta- og lögfræðisviði bjóðum upp á margs konar þjónustu, þar með talið ráðgjöf varðandi:

- Alþjóðlega skattaráðgjöf
- Milliverðlagningu („Transfer pricing“)
- Skattlagningu rekstraraðila
- Skattlagningu einstaklinga
- Virðisaukaskatt
- Félagarétt
- Samruna, skiptingar og yfirtökur

Starfsmenn sviðsins hafa mikla reynslu og yfirgripsmikla þekkingu á sviði skatta- og félagaréttar og veita viðskiptavinum aðstoð og ráðgjöf varðandi lögfræðileg álitaefni sem skapast innanlands sem og erlendis.

Til að fá frekari upplýsingar um starfsemina er hægt að hafa samband við eftirfarandi starfsmenn:

Ábyrgðarmaður

Friðgeir Sigurðsson

Sviðsstjóri Skatta- og lögfræðisviðs

Sími: +354 550 5366

fridgeir.sigurdsson@is.pwc.com

Ritstjóri

Jóhanna Á. Jónsdóttir

Ráðgjafi/lögfræðingur

Sími: +354 550 5356

johanna.a.jonsdottir@is.pwc.com

Þessi samantekt felur ekki í sér ráðgjöf af neinu tagi. Ekki ætti að hafast samkvæmt vefriti án þess að fá sérfræðilega ráðgjöf. PricewaterhouseCoopers ehf., PricewaterhouseCoopers LLP, hluthafar, starfsmenn og umboðsaðilar bera ekki ábyrgð á upplýsingum sem gefnar eru í þessu vefriti eða aðgerðum sem framkvæmdar eru af hálfu annarra aðila á grundvelli þessara upplýsinga.

©2009 PricewaterhouseCoopers ehf. Allur réttur áskilinn. “PricewaterhouseCoopers” vísar til PricewaterhouseCoopers ehf. á Íslandi, nema ráða megí af samhengi eða beinum tilvísunum að vísað sé í önnur fyrirtæki í samstæðu PricewaterhouseCoopers International Limited sem öll eru lagalega sjálfstæðar einingar.